

PASCHALIS SECUNDUS PONTIF. CLXII.
ANNO DOMINI MXCIX.



Paschalis Secundus, Italus, ex oppido Bleda, in Provincia Hetruria, Rainerius antea dictus, Crescentii filius, Canonicus Regularis Lateranen. deinde Monachus Cluniacensis, post Abbas Vrspergensis. Creatus Idibus Augusti 1099. vixit annos 18. menses 5. dies 9. Creavit Cardinales 93. Moritur Romæ apud S. Mariam Transpontinam, 12. Kalen. Februarii, & sepultus fuit in Basilica S. Joannis in Laterano.

Sub hoc Pontificatu fuerunt tres Pseudopontifices, id est, Albertus Atellis, anno 1101. Alberto Atellano 1102. & Aginulfus Monachus Abbas Farfensis.

Monasterium Cistercii Monachorum S. Benedicti, in diocesi Cabilonen. nuper institutum, sub Sedis Apostolicæ protectione suscipitur.

Hinc emanavit Ordo Cisterciensis, de cujus laudibus agit Clem. 4. infra in constit. 3. Parvus, & Bened. 12. in constit. 3. Fulgens. Et pro bono ejus regimine, multa decrevit Eugen. 3. infra in constitut. 2. Sacrosancta, ac Clem. 4. & Bened. 12. mox citati, & ceteri quos indicabo in Gregorio 13. constit. 18. Superna.

Privilegia eidem Ordini concesserunt Gregor. IX. infra in constit. 7. Quia. Innoc. IV. in constit. 4. Devotionis. Eugen. IV. in constit. 16. Regularem, & constit. 14. An universalis, & Innoc. VIII. in constit. 9. Ad Romanam. Et illa confirmavit Sixtus V. & alii indicati in ejus constit. 34. Pontifex Habitum præfinit Sixtus IV. in constit. 9. Etsi cunctis, post Bened. XII. ibi allegatum. Et circa Spolia Monachorum specialem decisionem stavit Pius V. infra in ejus constit. 46. Decet. Adde etiam quod hujus Ordinis particularis est Congregatio in Italia, que S. Bernardi nuncupatur, ut infra in Alexand. VI. constit. 7. Planatus.

In Regnis Aragoniæ, Valentia, Majoricarum, ac Navarra, & Catalonia principatu, hujus Ordinis Congregationem sub perpetua obedientia Abbatis, & Capituli generis Cistercii instituit Paul. V. constit. 95. Pastoralis, inf. tom. 3.

PASCHALIS EPISCOPVS, SERVVS Edita A.D. 1100.
Servorum Dei, Venerabili filio Alberico novi Monasterii Abbati, quod in Cabilonen. Parochia situm est, ejusque successoribus regularibus substituendis in perpetuum.



DESIDERIUM, quod ad religiosum propositum, & animarum salutem pertinere monstratur, auctore Deo, sine aliqua est dilatione complendum.

Unde nos, ô filii in Domino dilectissimi, citra difficultatem, omnem vestrarum precum petitionem admittimus, quia Religioni vestrae paterno congratulamur affectu.

§. 1. Locum igitur illum quem inhabitandum pro quiete monastica elegistis, ab omnium mortalium molestiis tutum, ac liberum fore sancimus, & Abbatiam illic perpetuo haberi, ac sub Apostolicæ Sedis tutela specialiter protegi, quamdiu vos & successores vestri ea, quam hodie observatis disciplinæ, ac frugalitatis observantia permanferitis, salva Cabilonen. Ecclesiæ canonica reverentia.

§. 2. Præsentis itaque decreti pagina interdicimus, ne cuiquam omnino personæ liceat statum vestrae conversationis immutare, neque vestri, quod novum dicitur, Canobii Monachos, sine regulari commendatione suscipere, neque Congregationem vestram astutiis quibilibet, aut violentiis perturbare.

§. 3. Eam sanè controversæ decisionem, quam inter vos, & Molifinensis Claustrum Monachos frater noster Lugdun. Episcopus, tunc Apostolicæ Sedis Vicarius cum Provincia sua Episcopis, aliisque religiosi viris, ex præcepto prædecessoris nostri Apostolicæ memoriæ Urbani II. impetravit, nos tanquam rationabilem, ac laudabilem confirmamus.

§. 4. Vos igitur filii in Christo dilectissimi, ac desideratissimi, meminisse debetis, quia pars vestri, sæculares latitudines, pars ipsas etiam Monasterii laxioris minus austeras angustias reliquisti. Ut ergo hac sepe gratia digniores censeamus, Dei semper timorem, & amorem in vestris cordibus habere satagite, ut quanto à sæcularibus tumultibus, & deliciis liberiores estis, tanto amplius placere Deo totius mentis, & animæ virtutibus anheletis.

§. 5. Sanè si quis in crastinum Archiepiscopus, aut Episcopus, Imperator aut Rex, Princeps aut Dux, Comes aut Vicecomes, Judex aut Ecclesiastica quælibet, sæcularisve persona, hanc nostræ constitutionis paginam, sciens contra eam temerè venire tentaverit, secundo tertiove commonita, si non satisfactione congrua emendaverit, potestatis, honorisque sui dignitate careat, reamque se divino judicio existere de perpetrata iniquitate cognoscat, & à sacratissimo corpore, & sanguine Dei, & Domini nostri Jesu-CHRISTI aliena fiat, atque in extremo examine districtæ ultioni subiaceat.

§. 6. Cunctis autem eidem loco sua jura servantibus sit pax D.N. JESU CHRISTI, quatenus & hic fructus bonæ actionis percipiant, & apud districtum judicem præmia æternæ pacis inveniant.

Ego Paschalis Catholica Ecclesia Episcopus subscripsi. Dat. Troie per manum Joannis S.R.E. Diaconi Cardinalis, Kalendis Maii, indictione octava, Incarnationis Dominicæ anno 1100. Pontificatus autem Domini Paschalis Secundi anno primo.

Sacrosancta Lateranensis Ecclesia Canonicis Regularibus Ordinis sancti Augustini perpetuo conceditur, cum privilegiorum largitione.

Ista Ecclesia est ceteris Urbis & Orbis Ecclesiis major, ex diffinitione Greg. XI. & aliorum Pont. ut videre est infra in ipsius constit. 1. Super. Et in ea hoc

Exordium. Monast. Cistercii sub protectione Sedis Apostolicæ suscipitur.

Perturbari prohibetur.

Concordia et Mon. Molifinensis confirmatur.

Horatio Paderatissimi.

Pœna contravenientium.

Benedictio pax D.N. JESU CHRISTI, quatenus & hic fructus bonæ actionis percipiant, & apud districtum judicem præmia æternæ pacis inveniant.

Papa subscripsit. Dat. P. An. 1. die 18. Apr.

I I.

PASCALIS SECVNDVS.

In hoc tempore residebant Canonici regulares, ut infr. liquet ex constis. 1. Anastas. IV. Poesbatem, qui eos ibidem confirmavit post Alexand. III. & de his loquitur Clem. III. in cap. 4. de statu Monach. & Can. regul. & Innoc. III. in cap. subseq. & Clem. I. eod. tit. Quorum constit. uti inferas in corpore juris, hic de more pratermissi. Sed tandem ij de hac Ecclesia abierunt tempore Sixti IV. qui pro eis in Vrbe templum B. Mariae de Pace denominatum transfrastris.

Istorum Canonicoꝝ statum præfiniuit Bened. XII. in sua constit. 6. Ad decorem. Sed eos sparsim degentes uniuersis Mart. V. in eius constit. 7. Solitudinis. Eorumque sic unitorum unam Congregationem Lateranensem denominatam constituit, & privilegia concessit Sixti V. in eius constit. 10. Dum ad eorundem habitum si promoventur ad Episcopatum, præfiniuit Leo X. in constit. 34. Dudum. Præcedenti quoque cum aliis regularibus declaravit Pius IV. & Pius V. ut in ipsius Pii V. constit. 116. Cum ex, ubi notabo.

Huic Congregationi Lateranensi privilegia confirmavit, & illa concessa Congregationi Cassinensi Ordin. Benedicti, à Congregatione Canonicoꝝ Regularium S. Salvatoris Bononiensis, communicavit Greg. XV. constit. 33. in iuncti, infra tom. 4.

Edita A.D. 1506.

PASCALIS EPISCOPVS, SERVVS SERVORVM DEI. Dilectis filiis Rocio Priori Venerabilis Basilicæ S. Petri, eiusque fratribus, tam presentibus, quam futuris, Regularem vitam professis in perpetuum.

Latet quæsi Ecclesiæ vus venerabilis.

Quantò Lateranensis Ecclesiæ amplioris dignitatis, quæ antiqua institutione esse cognoscitur, tantò magis eundem Venerabilem locum, in majori reverentia debet haberi, & ad ejus incrementum, tam spiritualiter, quam temporaliter, à nobis, & aliis Dei fidelibus operam dari. Nec dubium, quod si Religiosorum virorum petitionibus paterna benignitate annuimus, nostris opportunitatibus elementem Dominum reperimus.

Cujus fines designantur, & pro his Canonici approbatur.

§. 1. Ea propter dilecti in Domino filii, ob reverentiam Salvatoris, beatique Joannis Baptistæ, concedimus & confirmamus vobis, vestrisque successoribus in perpetuum, totam, & integram Parochiam, ut in vita nostra, & post obitum, specialis oratio jugiter fiat pro nobis ad Dominum, videlicet ab Ecclesiâ S. Nicolai de Forma per viam, quæ venit à S. Stephano in Cælio Monte, & usque ad supradictam nostram Basilicam Salvatoris, & à porta Monasterii Sanctotum Quatuor Coronatorum descendente per clivum in via majori, & exinde per stratam ex utraque parte, usque ad Campum Lateranensem. Et revolvente supra Ecclesiam SS. Marcellini, & Petri, usque ad Ecclesiam S. Bartholomæi de Capite Merulanei, & deinde ad S. Danielem, & exinde descendente ad portam Urbis, & vertente ante Ecclesiam S. Nicolai de Hospitali ad supradictam Basilicam Salvatoris.

Eximiturque ab omni jurisdictione.

§. 2. Statuimusque atque etiam auctoritate Sedis Apostolicæ stabilimus, ut Parochia ipsa deinceps nulli alii Ecclesiæ, vel Monasterio, aut piis locis, de spiritualibus, atque divinis rebus teneatur penitus respondere, sed quietè ac liberè sub præfata basilicæ Salvatoris jure, nomine Parochiali in perpetuum maneat. Salvo tamen jure hereditario, quod infra supradictos fines ad præfatas Ecclesiâs, vel Monasteria, aut pia loca pertinere dignoscitur.

Et inibi alia pia loca construuntur.

§. 3. Præcipimus itaque ut nulli personæ fas sit, in supradicta Parochia Ecclesiâs ædificare, aut altare erigere, vel aliquam religionem ibidem instituire, præter supradictam Salvatoris Basilicam.

Sanctio in perturbato.

§. 4. Statuentes Apostolica censura, sub divini iudicii obsecratione, & anathematis interdicto, ut nullus unquam nostrorum Successorum, vel alia quælibet magna, parvaque persona hujus nostri privilegii donum

infringere, aut inquietare præsumat. Si quis præterea, quod non credimus, contra hoc nostrum Apostolicum præceptum venire, aut agere tentaverit, anathematis vinculo sit innodatus, & à Regno Dei, Domini nostri Jesu CHRISTI sit alienus.

Benedictio erga observatores.

§. 5. Qui verò pio intuitu custos, & observator hujus nostri privilegii extiterit, benedictionis gratiam à misericordissimo Domino Deo nostro consequi mereatur, in sæcula sæculorum. Amen, Amen, Amen.

Papa subscripsit. Card. subscripsit.

Ego Pashalis Catholica Ecclesia Episcopus.

Ego Lambertus Ostien. Episcopus interfui, & subscripsi.

Ego Vincentius Portus. Episcopus interfui, & subscripsi.

Ego Cinthius Sabinen. Episcopus interfui, & subscripsi.

Ego Denigo Tusculanus Episcopus interfui, & subscripsi.

Ego Conradus Prænestin. Episcopus interfui, & subscripsi.

Ego Leo Albanen. Episcopus interfui, & subscripsi.

Ego Benedictus Presbyter Cardinalis tit. S. Eusebii interfui, & subscripsi.

Ego Theobaldus Presbyter Card. tit. S. Petri interfui, & subscripsi.

Ego Raynerius Presb. Card. tit. S. Eusebii interfui, & subscripsi.

Ego Arnaldus Presb. Card. tit. S. Clementis interfui, & subscripsi.

Ego Raynerius Presbyter Cardinalis tit. SS. Petri & Pauli, & Petri interfui, & subscripsi.

Ego Orho Presb. Card. tit. Pastoris interfui, & subscripsi.

Ego Petrus Presb. Card. tit. Equitum interfui, & subscripsi.

Ego Amicus Presb. Card. tit. S. Eusebii interfui, & subscripsi.

Ego Paulus Presb. Card. S. Sixti interfui, & subscripsi.

Ego Jonatas Diac. Card. SS. Cosmæ & Damiani interfui, & subscripsi.

Ego Theodinus Diaconus Card. S. Mariæ in Porticu interfui, & subscripsi.

Ego Gregorius Card. Diac. S. Angeli interfui, & subscripsi.

Ego Joannes Diac. Card. S. Adriani interfui, & subscripsi.

Ego Gregorius Diaconus Cardinalis Sanctæ Luciæ interfui, & subscripsi.

Dat. P. A. 7. die 27. Decembris.

Dat. Lateran. per manus Joannis S. R. E. Card. ac Bibliothecarii 6. Kal. Januarii, Indictione xv. Incarnationis Dominicæ 1106. Pontificatus autem D. Pashalis ij. Papæ anno 7.

Canonizatio S. Petri Episcopi Civitatis Anagninæ, in Provincia Campaniæ, ejusque ascryptio in numerum SS. Confess.

III.

Hujus Sancti Festum agitur die 3. Mensis Augusti.

Edita A.D. 1110.

PASCALIS EPISCOPVS, SERVVS SERVORVM DEI. Venerabilibus fratribus, Episcopis Anagnino, & aliis per Campaniam constitutis, salutem & Apostolicam benedictionem.

Petrus miraculi clarus, SS. Confessorum numero ascribitur.

Dominum excelsum habentes præ oculis, qui in Sanctis suis laudatur, & benedicitur, & confiderantes propterea strenuè, probatæque vitæ merita, quibus vir sanctus Petrus, quondam Anagninus Episcopus, & Regula Monachorum assumptus in pastoralis officio, purè, simpliciter, solerti vigilantia & exemplo, Deo deservivit. Admirantes etiam miraculorum insignia quibus Sanctum suum ante, & post obitum divina gratia decoravit, prout per Brunorum Signensem Episcopum fideliter adnotatur, & usque ad nostra tempora decorare non desinit, auctoritate præsentium, vobis licere volumus & mandamus, quatenus iij. Nonas Augusti diem natalis ejusdem Confessoris & Præfatis numerandi Sanctorum Catalogo congruè celebrem recolatis, quatenus in præfata gratiam, & in futuro opulante divina clementia, piis ejus intercessionibus mereamur gloriam sempiternam.

Dat. P. A. 10. die 4. Id.

Dat. Signiz secundo Nonas Junii, Pontificatus nostri anno 10.